

EOS-lávdegoddi

Stuoradikki dárkkistanlávdegoddi čiegusbolesbarggu, bajilgeahččama ja sihkarvuodabálvalusa várás

Mii lea EOS-lávdegoddi?

EOS-lávdegoddi lea dárkkistanorgána man Stuoradiggi lea nammadan. Lávdegoddi bargá almmá čanastagaid haga Stuoradiggái, muhto raportere juohke jagi Stuoradiggái jahkedieđáhusas. EOS-lávdegottis leat 7 mieldeahutu ja dálá jođiheaddji lea Helga Hernes. Eará mieldeahutut leat: Svein Grønnern (nubbinjođiheaddji), Kjersti Graver, Trygve Harvold, Gunhild Øyangen, Knut Hanselmann ja Theo Koritzinsky.

Lávdegoddi galgá jatkolaččat dárkkistit dáid ásaheavvaid: Politiets sikkerhetstjeneste (PST), Nasjonal sikkerhetsmyndighet (NSM), Etterretningstjenesten (E-tjenesten) ja Forsvarets sikkerhetsavdeling (FSA), nudaddjon "EOS-bálvalusaid". Maiddái čiegusbolesbargo-, bajilgeahččan- ja sihkarvuodabálvalus, man barget dahje stivrejit eará almmolaš eiseváldit, gullet lávdegoddái dárkkistit jus ulbmil lea áittardit naššuvnnaš sihkarvuodaberoštumiid ("riikka sihkarvuoda").

Dárkkisteami ulbmil ja čadaheapmi

EOS-lávdegotti dárkkisteami ulbmil lea vuosttažettiin gozihit vai ovttaskas olbmuid riektesihkarvuodta ja persovdnasuodji fuolahuvvo EOS-bálvalusaid bokte, muhto lávdegoddi galgá maiddái oppalaččat dárkkistit ahte EOS-bálvalusaid barget sikkobealde mearriduvvon rámmaid mat leat lágain ja eará njuolggadusain. Lávdegoddi galgá fuolahit vai ii ovttage vuostá meannuduvvo vuoigatmeahtumit ja geahččat bearrái ahte bálvalusaid eai váldde atnu viidátguoski gaskaomiid go dat mii lea dárbbaslaš dilálašvuodaid vuodul. Lávdegottis lea dievaslaš vejolašvuodta beassat geahčadit bálvalusaid arkiivvaid ja registariid, ja leat unnán gáržžádusaid dasa movt lávdegoddi sáhtá dárkkisteami čadahit.

Lávdegoddi ii leat čadnon guđege láhkái EOS-bálvalusaide iige hálddahussii oppalaččat. Lávdegoddi bajilgeahččá bálvalusaid dássedit, sihke guovddáš ja báikkálaš bálvalusbáikkiin. Lávdegoddi meannuda maiddái váidagiid maid ovttaskas olbmot ovddidit, ja jođiha iskkademiid iežas doaimmain.

Eambo das movt lávdegoddi meannuda ovttaskas olbmuid váidagiid

Olbmot geat oaivvildit EOS-bálvalusaid leat vuoigatmeahtumit meannudan sin vuostá, sáhttet váidit ášši EOS-lávdegoddái. Lávdegoddi meannuda buot váidagiid mat gullet lávdegotti dárkkistanbarggu viidodahkii.

Váidda galgá leat čálalaš ja vuolláičállojuvvon. Váidaga galgá ákkastallat ja čilget nu dárkkil go vejolaš. Váidaga galgá sáddet dábálaš poasttain. Persovdnasuodji dihte ja vai lávdegoddi galgá leat áibbas vissis váidaleaddji identitehtas, de eat dohkket váidagiid e-poastta bokte, muhto dieđusge sáhtá jearaldagaid sáddet lávdegoddái e-poasttas deike:

post@eos-utvalget.no dahje ringet 23 31 09 30.

Sáhtá maiddái váldit oktavuoda lávdegotti čállingottiin vai oazžu veahki váidaga bidjat ja/dahje lasihit dieđuid váidagii njálmmálaččat čállingotti kanturlanjas. Váidagiin mat galget EOS-lávdegoddái, eai leat áigemearit biddjon. Lávdegoddi lea almmatge várrogas meannudit váidagiid mat gusket áigahaš dilálašvuodaide, eara jus áššis orro leamen áigeovvildis markkašupmi váidaleaddjái, dahje sus lea leamaš váttis árat ovddidit váidaga.

Go váidda boahká, de čállingoddi golmma vahku áiggis addá gaskaboddosaš vástádusa váidaleaddjái ja bidjá váidaga ovdan lávdegoddái, mii mearrida galgá go váidda váldojuvvot meannudeapmái. Váidaleaddji oazžu dieđu lávdegotti mearrádusaid. Váidagat, mat váldojit meannudeapmái, guorahallojuvvojit daid bálvalusaid ektui maidda váidda guoská. Dát dáhpáhuvvá muhtin muddui čálalaččat, muhtin muddui njálmmálaččat inspekšuvnna bokte, ja muhtin muddui arkiivvaid ja registariid suokkardemiin. Lávdegoddi meannuda váidagiid

čihkosis, muhto go váidda váldojuvvo guorahallamii, de dat bálvalus masa guoská, oažžu diehtit dan. Lávdegoddi ii sáhte bálvalusaide addit gohččumiid ahte sii galget dahkat juoidá muhtin áššiin, muhto lávdegoddi buktá oainnu ovdan, ja sáhtta ávžžuhusa addit bálvalussii, ovdamearkka dihte bivdit meannudit ášši ođđasis. Jus váiddaášši guorahallamat čájehit moaitinveara dili, de loahpahuvvo ášši čálalaš cealkámušain dan bálvalussii masa guoská. Dakkár dilálašvuodain sáhtta lávdegoddi maiddá bivdit guoskevaš bálvalusa njulget boasttuvuodaid ja addit buhtadusa jus lea vahát dáhpáhuvvan dahje gártan unohasvuohhta váidaleaddjái.

Cealkámušat váidaleddjiide galget leat nu dievaslaččat go vejolaš, muhto ii galgga addit dakkár čuvgehusat mat sihkarvuoda dihte leat gráderejuvnon. Lea dehálaš mitalit ahte lávdegoddi njuolggadusat, dalle go váidda guoská PST vuostá, leat nu ahte dábálaččat sáhtta lávdegoddi duššefal cealkámuša addit das ahte leago váidagis vuoddu moaitit bálvalusa vai ii. Čuvgehus dan birra leago oktage gozihuvvon vai ii, leat čuvgehusat mat sihkarvuoda dihte leat gráderejuvnon čuvgehusat. Dan dihte ii sáhte lávdegoddi mitalit váidaleaddjái leago son leamaš – vai ii leat leamaš – registrerejuvnon dahje gozihuvvon. Muhto áššiin main moaitinveara dililit fuomášuvvojit, dáhttu lávdegoddi ávžžuhit guoskevaš bálvalusa rahpat gráderejuvnon dieđuid vai lea vejolaš dievasmahttojuvnon ákkastallama addit.

Ná váiddát oktavuoda

Postadresse:

Stortinget, 0026 Oslo

Fitnančujuhus:

Akersgata 8, 4. etáša (sisa manatTollbugata)

E-poastačujuhus:

post@eos-utvalget.no

Telefovdna:

23 31 09 30

Telefáksa:

23 31 09 40